


增續編

金石錄

徐惟琨書





石經閣金石

跋文

金甬珍題



石經閣金石跋文高六分正長盈高八分一槐廬叢書

嘉興馮登府雲伯箸

吳縣朱記榮校刊

商丁父尊跋

銘云子父商彥貝三朋用亡丁父尊彝爲劉燕庭水
部喜海所贈拓本釋之曰留从父公羊傳云古者鄭國
處於留邕人有留子嗟留子國見王風邱中有麻詩毛
傳後爲劉康公劉文公食采于此子留當卽子嗟之裔
周有留君簠此其類也小臣繼彝錫貝五朋遽伯鬯彝
用貝十朋又三朋三家彝貝三朋此器亡貝彝並同江
侍御德量曰銘用貝此碑陰記出錢之祖余考鍾鼎文
有書賜貝者重君所賜也但書貝者非君錫之也商彥

那未鍾跋

周虢叔大林鍾跋

六寸五分與阮芸臺宮保所藏銘詞無異特器畧輕銑
有鳧形爲稍殊耳鳧取周官鳧氏爲鐘之義景王始鑄
大林號亡已久不應有此惠字號姜敦正亡此字陳
疑嗣之省陳均釋作勿未確旅諸家多訓作衆攷鐘鼎
文每稱旅亦假作魯字泰和鐘以受毛魯多釐董道曰
魯古文旅書序公旣得命禾旅天子之命史記作魯天
子之命漢有旅鼎卽魯鼎是也此鐘下文云魯休則旅
當是號叔名也刑法之刑从井刑剄之刑从开莖卽儀
型字帥率之假字聘禮帥大夫注古文帥作率觀禮注
今文帥爲率敢嗣帥型卽所謂儀式型文王之典也屯
純之省號姜敦屯佑通衆盟和鐘屯魯多釐皆是攸修

之省凡鐘皆以和名所謂垂之和鐘是也江氏沅釋爲和較之和鑿矣此鐘得見於墨卿太守令子念曾處因手拓一通以冠聞中金石之首

周戎都鼎跋

鼎亦叔未所藏釋文云戎都亡旅鼎用匄偁魯祉用妥眷衆用亡文考宮伯寶尊彝積古齋釋云戎都亡器者氏與名都一釋亡諸說文云祉以豚祠司命从示比聲漢律曰祠祉司命此从示者比从二人北亦从二火特形有向背之異史記天官書隋北端兌之北漢天文志作比二文每以形似通假爲祉字無疑偁舉也偁魯祉猶言舉吉祭也妥古綏字余案或字下从土齊

侯鑄鐘有或字卽國字說文或邦也从口从戈从一一
守地也从土是後人所加卽國字之省亦卽域字有字
詳見余三家詩攷杏由文作米說文古文番作𠂔卽番
字亦亡郢潘字路史虞氏後有番國字从米从田此从
口者省漢縣屬魯國番卽鼎下云魯宗正合卣卽宗之
變番屬魯故偁魯宗文考也旅鼎亦作魯鼎古魯旅通
字泰和鐘以受毛魯多釐董道曰魯古文旅

周遣小子敦跋

積古齋有此器釋云遣小子𡗗以其友作招男王姬鬻
鼎云小子父在之偁𡗗其名以與也與其僚友爲招男
王姬亡器蓋招男之配遣氏招國經傳無徵或釋作召

然召於周爲同姓不當取王姬韎从末汗簡古末字上
平此亡万省文也余案敦文刊化字卽貨字虞書懋遷
有無化居卽貨居呂刑惟貨惟來古文作惟化可證以
其貨亡尊彝者鐘鼎文每言王錫金百爰錫貝五朋用
作寶彝卽此義也若云以其友則不辭矣招敦文嘗已
酉戌命彝亡鬻招父丁爵作鬻晉姜鼎作鬻

周瞿癸敦跋

敦爲長白斌太僕良得之津門市有蓋無器自來金石
家所未錄其文曰唯十有二年三月旣望霸丁亥王在
寒餽宮王呼吳師召大錫趨瞿癸里王命善夫奭曰趨
鼎癸曰余旣錫爾乃里鼎癸賓奭章帛束鼎癸令奭曰

天子余弗敢焚事以明癸稽首大汭里大賓賓奐寵章
衆兩賓明癸寵章帛東再拜稽首敢對揚天子丕顯休
用乚朕皇考烈伯父尊敦其子子孫孫永寶用古文奇
逸都百十六言余按𣪠𣪠字趣馬也詩十月之交蹶惟
趣馬萬惟師氏仲允膳夫竝王之近臣善夫卽膳夫趣
馬只稱趣者如師遽敦師氏但曰師頌敦冢宰但曰宰
允簠牧人虞人但曰虞牧也明癸臣名商有瞿父鼎瞿
祖丁卣字竝作𣪠明癸殆其氏族以癸名者當是商末
周初之人里者錫之地也汭卽錫字吳師卽虞師焚事
卽僨事竝古通假兩賓善夫吳師也

周吳葵跋

彛爲趙謙士侍郎所藏劉燕庭水部拓以見餉其百二字積古齋釋之詳矣惟吳當作虞古吳虞通字文王之子也乘疑泰字泰車彫車也匱冕字說文亡覓牧敦寅簋竝有冕字一亡匱一亡宮正同故與東裏同列甬周官鳧氏舞上謂之甬集古錄有谷口銅甬

周率伯尊敦跋

敦爲張解元廷濟所藏蓋失張釋文云唯十月初吉甲戌惠作朕文考率伯尊敦惠其萬年子子孫孫永寶用案阮宮保元積古齋本率釋作允考盥和鐘有甬字正作盥釋爲率非矣

漢瓦當跋

瓦文云駘湯萬年湯卽盪之假臺名張衡西京賦駢娑
駘盪薛綜注皆臺名是也陽文奇古爲孫淵如觀察所
未錄海昌許孝廉珊林以拓本貽余於京師又一瓦云
千秋長安四字作回環讀亦罕見也

地節二年買山碑跋

右文云地節二年八月巴州民楊董置山直錢千百作
叢芻子孫永保其多福八分書廿七字蜀中摩厓近有
人攜歸吳興按地節爲西漢宣帝最所稀見此碑尤爲
金石家所未著錄楊董當是二姓合買一山作義冢也
揚不從木旁詩揚之水漢石經作楊知古文通董從董
與隸續所載董氏洗合民間之不昧六書如此古人作

器每計錢數延光銅壺直錢萬二千太康瓦券直錢四百萬皆其例也洪氏頤煊釋作元年正月誤

天鳳三年碑跋

碑長一尺二寸廣二尺四圍有文似蜀師磚嘉慶丁丑鄒人得之於卧虎山前文云始建國天鳳三年二月十三日萊子侯爲支人爲封使者偕子食等田百余人後子孫母壤敗八分似開道碑文古質蓋封田贍族勒石以示子孫者閱二千餘年始出土今在孟廟余庚辰出都會親撫之石光如鏡字甚淺旁有滕七四老人顏逢甲同鄒縣孫生容王補仲題識記出土年月按萊本商國廣韻漢有東萊郡又姓晉有萊駒萊子侯無考偕卽

諸之變文蔣丈伯生以秦刻十字同詒因記於復初九

菴

劉熊碑跋

酸棗令劉君陽碑久佚翁覃溪據江秋史雙勾本圖其
存者凡廿二行復以汪容甫宋拓殘本及巴雋堂雙鈎
本合凡二百四十二字多出洪氏隸釋九字考唐王建
題此碑詩蒼苔蝕字土埋龜風雨消磨絕妙詞知此碑
唐時已殘缺竹垞從鄭谷口借觀不及百字隸法奇古
驚爲絕品者也孫淵如訪碑錄亦卽巴氏本今天一閣
本上下兩截中斷上截十五行每行約廿四字共一百
廿二字缺後七行下截廿二行共一百零七字碑後謠

言三章已缺共三百餘字首尾皆全但字畫間多明滅處考是碑後人無繙本天一閣碑向得之豐氏萬卷樓類多宋以來所藏之物豈非宇宙所僅見者耶又閣中尙有圉令趙君碑字尙清晰惜紙爛不能重舉又有侯成王純二碑皆明以來諸家所未著錄余旣鈎劉熊碑分贈洪筠軒蔣伯生二丈他日當并鈎之亦石墨奇緣也

吳大安寺鐵香爐跋

右大安寺鐵香爐銘搨本吾友朱寄園客豫章歸拓以見餉爐共六層上一層三面有字北面十四行三十字至十四字西南面七行東面十一行二十字或十一

二字第二層惟南面有字三十六行第三層足下有二人
名第四層無字第五層蓮花瓣上通著五字東北面
有人名二行下一層八面並人名銘有惟吳太和五年
歲次癸巳七月乙亥朔十五日己丑鑄重一萬二千觔
於大安寺大殿永充供養云云其八十一字中有十字
不可辨皆正書陽文竹垞檢討曾得拓本於三山市上
跋云大安寺不載於金陵楚剌志疑此爐尙存蓋以寺
在金陵不知在南昌也而江西通志載大安寺在省城
北有鐵香爐高六尺許識云吳赤烏元年造其爐不知
亡于何代而此爐獨不載據寄園言寺中惟此一爐豈
志有誤耶又考寺爲晉謝尚捨宅在赤烏後則不應先

有此爐赤烏是太和之誤無疑矣當修志時但據傳聞致有是失志乘之不可徵信如此王司寇金石萃編亦考之未審耳又爐腹積水不竭清冽中茗飲寺人名曰爐泉亦寄園云

唐開成岳林寺造象題名跋
奉化岳林寺大中塔記僅存六行餘此造象題名在塔下爲大中之前自來金石家所未錄文十五行行三字正書其文曰口口口通殘以口此口口弟子劉欽慕統疑雕刻塋淨時開成三年歲次戊午七月廿五日庚辰住持僧口胄書匠應成戊午誤作戊午書法絕似蘇靈芝蓋方外之工入法者甯波府曹志謂岳林之名自宋